

重修昌邑縣志序



邑之有志猶國之有史嘗
考周禮外史掌四方之志
而行人採風達諸天朝其
與小史掌邦國之志者同
一慎重志與史相表裏由

來尚矣第史美惡並陳俾
觀者得以感發懲創志則
惟善是錄使兩間正氣賴
以不湮其文或異其義略
同至於山川形勝及職方
所產凡有裨於國計民生

者莫不詳載以備輪軒之
採甚矣所關綦重而秉筆
之難其人也昌邑縣志脩
於順治辛丑迄今已八十
餘年予於雍正十年曾任
昌邑間嘗披閱志乘見其

魯魚紕繆其間制度因革
人事廢興不無有事更易
之處卽思脩輯以副

聖朝車書一統文教丕新之至
意因四閱月有單縣之調
有志未逮至乾隆五年復

守東萊所呈邑志猶是昔日所見復萌重脩之意適上臺檄行各郡邑重修志乘實獲我心矣特是史之纂也天子開芸閣訪求遺書逸獻職有專司罔敢弗

慎且重志則掌之邑令令或數月或數年遷易不常當其任者營營於刑名錢穀間卽稱能吏間有慨然釐訂者不過虛應故事挂誤與鋪張皆不足以傳信


夫一縣之財賦土田固有
常額至於人物臧否最易
混淆陳壽作三國志謂丁
儀子曰覓三斛米當爲尊
公作佳傳丁不與覓不立
傳恐三代以下不爲陳壽

者鮮矣紀載之實可易言
哉周君晉省碩儒其牧昌
邑如重修學宮設立義學
勸積社倉諸要務次第舉
行今修輯縣志雖寄耳目
於廣文借襄事於邑士而

廣稽博訪務核其實筆削
自主知我罪我一切不計
誠足傳信來茲矣而發微
闡幽俾壬午一城殉難官
員特爲標出復建祠表祀
以妥幽忠以垂不朽維持

風化孰有大於此哉予與
周君均有守牧之責此志
成將相其土宜察夫民生
利弊權緩急而輕重布之
庶俾斯民沐浴於太平盛
世也因援筆而序之

乾隆七年六月知萊州府
事加五級紀錄四次鐵嶺
高沅撰



重修昌邑縣志序

聖天子乘乾御宇文德誕敷薄
海內外車書萬國休養生
息久道化成蓋承平歷有
年矣一時鴻儒鉅手起而
續蘭臺之業抽金匱之藏

昌邑縣志

序

七

麟麟炳炳皆足以鼓吹休
明信今傳後而史館之設
厥有端而司制作文章於
今大備猗與盛哉區區一邑
之志乘其細焉者也顧志
之作自古不廢周官小史

掌邦志孔安國謂九州之志卽九丘也土訓掌道地圖誦訓掌道方志小行人五物異書以周知天下之故此後世郡邑志所由昉乎夫志與史異裁然自輿

地丁徭以及學校風俗古蹟藝文之類無不列載而且貞廉節義其卓然不刊者更可以砥中流障狂瀾故昔人謂作志爲急務誠以志之所關者鉅也昌邑

縣志修於順治辛丑至康熙十一年大學士衛奏請纂一統志通飭直省各加修輯而當時猥以舊志應歷今且八十餘年豈惟豕亥沒漫抑且滄桑改移沿

革莫攷文獻漸佚守是土者徒以簿書爲事而過焉不問亦吏治之羞也余於己未春承乏都昌迄今四載惜前人之闕畧懼後世之無徵慨然有志修之乃

與廣文先生謀其事邑陳
生之楓魏生養本等皆博
洽士也爰進諸處而語之
曰志之難難于徵實耳浮
僞遺漏二者交譏甚且品
藻人物以愛憎爲抑揚幾

同穢史將何以傳後勿任
德勿避怨知我罪我其在
斯乎于是授以義例嚴去
取核名實案牘之餘弄墨
晨繙然膏夜繼博摭舊聞
而叅以衆議出以獨斷蓋

易稿者數矣始辛酉冬終壬戌夏九閱月而功竣授梓嗟乎此書之作豈以潤色文事哉攷輿地而知物土之利攷丁徃而知生聚之方攷學校而知治隆於

上攷風俗而知化成於下蓋是以徃綱舉目張大小精粗詳畧因革班班可識也若夫博陸雲沉淮陰烟香仰子慶之芳躅挹伯起之清風憑今弔古有茫茫

交集者矣花晨月夕倚酒
鳴琴尋遺韻於蠹編聯新
詩於塵尾一樽細論有逸
興遄飛者矣至于名臣建
績鍾鼎猶存烈士捐軀鬢
肩如動而下至常布之子

或履苦操巾幘之流還抱
勁節激濁揚清實于風化
有重賴焉而皆於志備之
也矣志之所關者鉅也昔
連青張公修宛志謂采之
可以備史因之可以立政

然則是書也雖未敢謂與
蘭臺金匱共稱盛典而信
今傳後用以黼黻

皇猷羽翼文教於我

國家久道化成之治未必無

小補云

昌邑縣志

三

乾隆七年歲次壬戌季夏
知昌邑縣事昭餘周來部
識



一邑志自順治辛丑纂修迄今八十餘年其間制度因革人事興廢按舊志更移過半今皆細心詳核事蹟雖出於因用力實比於創摠緣志書爲一邑信史不敢因仍模糊以惑來者

一舊志有綱有目亦屬通例第分屬未盡妥協天文一卷尤多強附故從通志分卷不分綱似較清晰舊志率遵萬 間原本非 本朝事仍用頂格擡頭及孝子烈女錯雜互叙不歸本門諸如此類悉

昌邑縣志

凡例

古

不敢遵

一修濬河渠關民利害瀑沙五龍等河工大利溥舊志失載今特增入

一祭祀鉅典器品儀注屢有增定舊志缺畧今詳注之以示尊崇聖道之意

一戶口田賦鹽法悉關 國計民生舊志從畧今特詳之以示慎重

一物產志加注釋亦舊例也今第於專產本邑或同物異名者釋之至耳日熟悉之物無容濫注以災

梨棗

一舊志人物地封山川陵墓等門率多前後割置叙次不清今悉查點更正

一前代人物或官斯土或產本邑非確有根據不必率入如王密載職官陳濬載人物俱係影附今不濫載

一忠孝節義所關最重寧核勿濫必有實據乃書懼不公也

一女人節烈已贈表者書錄於前未贈表者先節後

昌邑縣志

凡例

十五

烈按次叙錄

一凡歷代忠烈應提起大書忠烈二字後列歷代忠烈姓氏或遇賊害或殉兵難各立小傳叙其事之本末緣由於本人名下方爲分曉

一刊修志書莫大表揚忠孝節義以植風化尤莫大於表揚已往失傳之忠孝節義如兵變以城守爲急而守土命吏其責尤重全城者功殉難者忠凡有旌封以官吏紳士次序至城外節烈只宜附後舊志得節烈殉難顛倒序之又將一城殉難官員

盡行削去不書于冊致使雍正二年特旨建祠崇祀忠節縣文只據舊志申詳遺漏殉難官員深爲憾事茲爲標出按次書錄

一志書藝文一卷非尚文藻重文教也有資吏治有係風化披閱新郡志新增藝文與舊藝文各半悉有關學校民社與忠孝節義之文書論傳記諸體俱備昌邑舊志所錄藝文只明朝人數篇國朝只錄八景詩句書論傳記一篇不載此皆館中採輯不廣之過且以吝惜梓費私窺執事也今日刊

昌邑縣志

凡例

夫

修又相距八十餘年使仍舊志只再增八景詩句而止並不錄及有關風化吏治之文是昌邑百年之久竟無藝文可採不惟志書削色且與國朝振興文教之典不副茲博採廣輯得文若干悉爲收錄

一藝文一卷博採示公纂志例也嚴核防濫亦纂志例也蓋邑有志猶國有史責在表幽闡微雖文涉朴質亦錄外此惟名筆雅馴古茂且有關昌邑風化民社與吏治文教之文方許登志不然濫竽一

開何足脩採風者一寓目焉

昌邑縣志

凡例

七

